




ENTERPRISE GEORGIA

სსიპ მეწარმეობის განვითარების სააგენტო
სატენდერო დოკუმენტაცია

სატრენინგო მომსახურების შესყიდვის - (CPV80500000)
სახელმწიფო შესყიდვა
გამატივებული ელექტრონული ტენდერის საშუალებით

ს ა რ ზ ე ვ ი

1. ინსტრუქცია ტენდერში მონაწილეთათვის.
2. ტექნიკური დოკუმენტაცია.
3. სახელმწიფო შესყიდვის შესახებ ხელშეკრულების პროექტი.
4. დანართი №1 - რეკვიზიტები.
5. დანართი №2 - ფასების ცხრილი.

1. ინსტრუქცია ტენდერში მონაწილეობის

- 1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიან ელექტრონულ სისტემაში (შემდგომში - სისტემა).
- 1.2. სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.
- 1.3. სახელმწიფო შესყიდვების ერთიანი ელექტრონული სისტემის მომხმარებლის სახელმძღვანელო იხილეთ ვებ-გვერდზე: www.procurement.gov.ge
- 1.4. სისტემაში ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (ასეთის არსებობის შემთხვევაში) უნდა იყოს უფლებამოსილი პირის მიერ.
- 1.5. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.6. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.7. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.
- 1.8. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა თანამდევი ხარჯის და გადასახადის გათვალისწინებით.
- 1.9. თუ ელექტრონული ვაჭრობის შედეგად, ერთიან ელექტრონულ სისტემაში დაფიქსირებული საბოლოო ფასიდან გამომდინარე, ერთეულის ფასები წარმოდგება მრავალნიშნა ათწილადის სახით, გამარჯვებული პრეტენდენტი ვალდებულია ხელშეკრულების გაფორმების მომენტისთვის შეამციროს ერთეულის ფასი და დაამრგვალოს მეასედებამდე. შესაბამისად, შეამციროს საერთო ფასიც.
- 1.10. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.11. სატენდერო დოკუმენტაცია არ შეიცავს პრეტენდენტის მიერ საკვალიფიკაციო მონაცემების დამადასტურებელი დოკუმენტაციის წარმოდგენის მოთხოვნას.
- 1.12. პრეტენდენტს არა აქვს უფლება წარმოადგინოს ალტერნატიული წინადადება.
- 1.13. სატენდერო განცხადებასა და სატენდერო დოკუმენტაციის დაზუსტების მოთხოვნა პრეტენდენტებს შეუძლიათ სისტემის მოდულის - „კითხვა/პასუხი“ მეშვეობით.
- 1.14. ტენდერში მონაწილეობით პრეტენდენტი ადასტურებს, რომ ეთანხმება სატენდერო დოკუმენტაციით გათვალისწინებულ პირობებს.
- 1.15. დამატებითი ინფორმაციისა და განმარტებების მიღება პრეტენდენტებს შეუძლიათ სატენდერო კომისიის აპარატში. საკონტაქტო პირი:
ირაკლი სიხარულიძე, ტელ: 2960010 (1620); მობ: 577 054444 ელ.ფოსტა: isikharulidze@enterprise.gov.ge

2. ტექნიკური დოკუმენტაცია

2.1. შესყიდვის ობიექტის ტექნიკური დავალება:

შესყიდვის საგანია მეწარმეობის სააგენტოს თანამშრომლებისათვის „პროექტის მართვის“ სასწავლო ტრენინგის ჩატარების მომსახურების შესყიდვა ქვემოთ მოცემული მინიმალური მოთხოვნების შესაბამისად:

- სწავლება უნდა განხორციელდეს თანამედროვე აპრობირებული მეთოდით. სწავლების პროცესი უნდა იყოს დინამიური და ინტერაქტიული.
- ტრენინგის მომწოდებელმა კომპანიამ ტრენინგის მონაწილე უნდა უზრუნველყოს ტრენინგის მასალებით;
- პრეტენდენტის მიერ ტრენინგების ჩასატარებლად გათვალისწინებულ ტრენერებს უნდა გააჩნდეთ სხვადასხვა სექტორებისთვის მსგავსი ტრენინგების (პროექტების მართვა) ჩატარების არანაკლებ 3 წლიანი სამუშაო გამოცდილება, რასთან დაკავშირებითაც სატენდერო წინადადებასთან ერთად უნდა ატვირთოს ტრენერის CV, რომელიც დაადასტურებს (აღწერს) ტრენერის გამოცდილებას;
- კურსის წარმატებით დასრულების შემთხვევაში მსმენელებმა უნდა მიიღონ შესაბამისი დონის დამადასტურებელ სერთიფიკატი.
- კურსის დამთავრების შემდეგ მსმენელებმა:
 - უნდა მიიღონ ცოდნა პროექტის მენეჯმენტის არსის, დამახასიათებელი ტერმინოლოგიის, და უპირატესობების შესახებ;
 - უნდა შეძლონ პროექტის ფარგლებში შესასრულებელი სამუშაოების, შესაბამისი ვადების და ბიუჯეტის დაგეგმვა და კონტროლი;
 - უნდა შეძლონ პროექტების რისკების იდენტიფიცირება, ანალიზი და რისკების შემცირებისათვის მისაღები ღონისძიებების განსაზღვრა;
 - უნდა შეძლონ სპეციალური კომპიუტერული უზრუნველყოფის (Microsoft Project) გამოყენება პროექტის ეფექტური დაგეგმვისა და კონტროლისათვის
- **ტრენინგის ხანგძლივობა უნდა იყოს არაუმეტეს 50-საათი.**
- ხელშეკრულების გაფორმებამდე გამარჯვებულმა პრეტენდენტმა „შემსყიდველთან“ უნდა შეათანხმოს სასწავლო კურსის გრაფიკი

2.2. შესყიდვის ობიექტის სავარაუდო ღირებულება: 14500,00 (თოთხმეტი ათას ხუთასი) ლარს.

2.3. ანგარიშსწორების პირობები:

2.3.1. ანგარიშსწორება მოხდება ფაქტიურად გაწეული მომსახურების მიხედვით ყოველთვიურად, შესაბამისი მიღება-ჩაბარების აქტის გაფორმებიდან უნაღდო ანგარიშსწორებით ლარში, 2016 წლის სახელმწიფო ბიუჯეტის სახსრებიდან.

2.3.2. ანგარიშსწორება მოხდება მხარეებს შორის მიღება-ჩაბარების აქტის ხელმოწერისა და შესაბამისი ფინანსური დოკუმენტაციის წარმოდგენიდან 20 (ოცი) კალენდარული დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

2.3.3. საავანსო ანგარიშსწორება არ გამოიყენება.

2.3.4. **იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა უნდა წარმოადგინოს ფასწარმოქმნის ადეკვატურობის დასაბუთების დამამტკიცებელი დოკუმენტაცია.**

2.4. შესყიდვის ობიექტის მიწოდების ვადა და ადგილი:

2.4.1. შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 2016 წლის 30 აპილამდე (აღნიშნული თარიღები შეიძლება შეიცვალოს ხელშეკრულების გაფორმებამდე, პრეტენდენტის მიერ შემოთავაზებული სასწავლო კურსებისა და ლექციების ხანგძლივობის შესაბამისად, მაგრამ არაუგვიანეს 2016 წლის 30 მაისისა).

2.4.2. შესყიდვის ობიექტის მიწოდება უნდა განხორციელდეს თბილისში პრეტენდენტის სარგებლობაში არსებულ აუდიტორიუმში ან შემსყიდველი მოთხოვნის შემთხვევაში შემსყიდველის ფაქტიურ მისამართზე.

2.5. პრეტენდენტის მიერ სისტემაში ასატვირთი მონაცემები

2.5.1. პრეტენდენტის რეკვიზიტები დანართი №1-ის შესაბამისად.

2.5.2. ინფორმაცია ანალოგიური მომსახურების გაწევის არანაკლებ 3 წლიანი გამოცდილების შესახებ (წარმოდგენილი უნდა იქნას აღნიშნულის დამადასტურებელი დოკუმენტაცია, შემსყიდველის რეკვიზიტების მითითებით).

2.5.3. კურსის ხანგრძლივობის შესაბამისად გაწერილი პროგრამა, სადაც მითითებული იქნება საათების რაოდენობა, მოდულების დასახელება და დეტალური შინაარსის ჩამონათვალი.

2.5.4. პედაგოგების კვალიფიკაციის და გამოცდილების დამადასტურებელი დოკუმენტები.

2.5.5. მისაწოდებელი საქონლის ფასების ცხრილი დანართი №2-ის შესაბამისად.

3. სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული იქნება ხელშეკრულებას, როგორც მისი განუყოფელი ნაწილი.

ქ. თბილისი

„-----“ „-----“ „-----“ წელი

ერთი მხრივ, სსიპ მეწარმეობის განვითარების სააგენტო წარმოდგენილი ----- სახით (შემდგომში „შემსყიდველი“) და მეორე მხრივ ----- წარმოდგენილი ----- სახით (შემდგომში „მიმწოდებელი“) სატრენინგო მომსახურების შესყიდვის - (CPV80500000) შესყიდვის მიზნით სახელმწიფო შესყიდვების კანონის და მიმწოდებლის სატენდერო წინადადების საფუძველზე, **SPA-----** გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე

1. ხელშეკრულებაში გამოყენებულ ტერმინთა განმარტება

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – პირი, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს ხელშეკრულებით გათვალისწინებული საქონლის მიწოდებას.

1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

1.7. „ტექნიკური დოკუმენტაცია“ – **SPA-----** გამარტივებული ელექტრონული ტენდერის სატენდერო დოკუმენტაციის ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1. მიმწოდებელმა ამ ხელშეკრულების პირობების შესაბამისად უნდა სატრენინგო მომსახურების შესყიდვის - (CPV80500000) მიწოდება ტექნიკურ დოკუმენტაციაში მოცემული პირობების შესაბამისად.

2.2. მომსახურების მიწოდება უნდა განხორციელდეს წინამდებარე ხელშეკრულების დანართით (ფასების ცხრილი) განსაზღვრული მომსახურების ჩამონათვალის და ფასის შესაბამისად. დანართი (ფასების ცხრილი) წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს: ----- ლარს.

3.2. მომსახურების ერთეულის ფასები მოცემულია დანართში (ფასების ცხრილი).

3.3. ხელშეკრულების ჯამური ღირებულება უნდა შეიცავდეს ხელშეკრულებით გათვალისწინებული მომსახურების მიწოდებასთან დაკავშირებულ ყველა ხარჯს და საქართველოს მოქმედი კანონმდებლობით გათვალისწინებულ ყველა გადასახადს.

4. საქონლის მიწოდების ვადები და ადგილი

4.1. მომსახურების მიწოდება უნდა განხორციელდეს ხელშეკრულების გაფორმებიდან არაუგვიანეს -----

4.2. მომსახურების მიწოდება უნდა განხორციელდეს მისამართზე: თბილისი, -----

5. მხარეთა ვალდებულებები

5.1. მიმწოდებელი ვალდებულია განახორციელოს ხელშეკრულების დანართით განსაზღვრული მომსახურების გაწევა ხელშეკრულების გაფორმებიდან არაუგვიანეს -----, მისამართზე: ქ. თბილისი, -----

5.2. მიმწოდებელი ვალდებულია უზრუნველყოს მომსახურების გაწევა ტექნიკური დავალების შესაბამისად.

5.3. მიმწოდებელი ვალდებულია განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება.

- 5.4. შემსყიდველი ვალდებულია უზრუნველყოს ინსპექტირების განხორციელება.
5.7. განახორციელონ ამ ხელშეკრულებით მათზე დაკისრებული სხვა ვალდებულებები.

6. ანგარიშსწორების ფორმა და წესი

- 6.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში სახელმწიფო ბიუჯეტით გათვალისწინებული სახსრებიდან, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
6.2. ანგარიშსწორება მიმწოდებელთან განხორციელდება ყოველი თვის დასრულების შემდეგ, მომსახურების მოწოდების, მხარეებს შორის მიღება-ჩაბარების აქტის ხელმოწერისა და შესაბამისი დოკუმენტაციის წარმოდგენიდან 20 (ოცი) კალენდარული დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7. ხელშეკრულების ინსპექტირება

- 7.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.
7.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირ(ებ)ი შემსყიდველის მიერ განსაზღვრული იქნება ხელშეკრულების გაფორმების მომენტისათვის.
7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. მომსახურების მიღება-ჩაბარების წესი

- 8.1. შესყიდვის ობიექტი მიწოდებულად ჩაითვლება მხოლოდ მხარეებს შორის შესაბამისი მიღება-ჩაბარების აქტის გაფორმების შემდეგ. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
8.2. მიმწოდებელი ვალდებულია შემსყიდველის მხრიდან მოთხოვნილი უნაკლო შესყიდვის ობიექტის მიწოდების დადასტურებისა და ანაზღაურების მიღების მიზნით შემსყიდველს შესყიდვის ობიექტთან ერთად წარმოუდგინოს შესაბამისი ფინანსური დოკუმენტაცია.
8.3. ამ მუხლის პირველი პუნქტით გათვალისწინებული მიღება-ჩაბარების აქტზე ხელმოწერი პირ(ებ)ი შემსყიდველის მიერ განსაზღვრული იქნება ხელშეკრულების გაფორმების მომენტისათვის.

9. პირგასამტეხლო ხელშეკრულების პირობების შეუსრულებლობისათვის

- 9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.
9.2. ხელშეკრულებით ნაკისრი ვალდებულებების არასრულად ან არაჯეროვნად შესრულების შემთხვევაში, მიმწოდებელი ჯარიმდება ხელშეკრულების ჯამური ღირებულების 3 (სამი) პროცენტის ოდენობით.
9.3. იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 3 (სამი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ფორს-მაჟორი

- 10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.
10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).
10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზებ-ის შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11. ხელშეკრულებაში ცვლილებების შეტანის და შეწყვეტის წესი

- 11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
11.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.4. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება საქონლის ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

11.5. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია საქონლის სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

11.6. ხელშეკრულების შეწყვეტის ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით აცნობოს ამის შესახებ მეორე მხარეს.

12. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში ნებისმიერ მხარეს დავას გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. სხვა პირობები

13.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

13.2. არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.

13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.4. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე ორი თანაბარი იურიდიული ძალის მქონე ეგზემპლარად და ინახება ხელმომწერ მხარეებთან.

14. ხელშეკრულების მოქმედების ვადები

ხელშეკრულება ძალაში შედის ხელშეკრულების გაფორმებიდან -----.

15. მხარეთა რეკვიზიტები

შემსყიდველი:

მიმწოდებელი:

რეკვიზიტები:

- პრეტენდენტის დასახელება:
- ხელმძღვანელის სახელი და გვარი:
- პრეტენდენტის იურიდიული ან/და ფაქტიური მისამართი:
- საიდენტიფიკაციო კოდი:
- პრეტენდენტის ტელეფონის ნომერი:
- ელექტრონული მისამართი:
- ბანკის დასახელება:
- ბანკის კოდი:
- ანგარიშსწორების ანგარიშის ნომერი:

პრეტენდენტის ხელმოწერა/ბეჭედი

ფასების ცხრილი:

პრეტენდენტის დასახელება: _____

N	ტრენინგის დასახელება და ტექნიკური მახასიათებლები	დასატრენინგებელ პირთა სავარაუდო რაოდენობა	კურსის ხანგრძლივობა	გადასახადი ერთ მსმენელზე	ჯამი
1	პროექტის მართვა	10 მსმენელი			

პრეტენდენტის ხელმოწერა/ბეჭედი